

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ  
ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲԲԱ-ԼՕ-2019/87, 06.11.2019թ.

**Բողոք բերող անձ՝** «Անտարես» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը՝** «ՀՀ ՊՆ ՆՏԱԴ-ԳՀԾՁԲ-20-12/1» ծածկագրով գնանշման հարցում

**Գնման առարկան՝** «Հայ Զինվոր» ամսագրի հրատարակման ծառայության ձեռքբերում

**Բողոքի պահանջը՝**

1. Անվավեր ճանաչել ՀՀ պաշտպանության նախարարության կողմից այլ պոլիգրաֆիական աշխատանքի տպագրման ծառայության «ՀՀ ՊՆ ՆՏԱԴ-ԳՀԾՁԲ-20-12/1» ծածկագրով գնման ընթացակարգի արդյուքնում պայմանագիր կնքելու որոշումը, որով որոշվել է պայմանագիր կնքել «Փաբլիսիս Հեպտա» ՍՊԸ-ի հետ:

2. Պարտավորեցնել ՀՀ պաշտպանության նախարարությանը (այդ թվում գնահատող հանձնաժողովին) կայացնելու «ՀՀ ՊՆ ՆՏԱԴ-ԳՀԾՁԲ-20-12/1» ծածկագրով գնման ընթացակարգի արդյուքնում պայմանագիր կնքելու որոշում «Անտարես» ՍՊԸ-ի հետ:

3. Խնդրամասի 2-րդ կետում նշված պահանջը չբավարարելու դեպքում, պարտավորեցնել ՀՀ պաշտպանության նախարարությանը կազմակերպել նոր բանակցություններ, ապահովելով «Անտարես» ՍՊԸ-ի մասնակցությունը:

## **ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

### **ՔԱՐՏՈՒՂԱՐ՝ Լ. ԱՆԱՆԻԿՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ԳՆԱՆՇՄԱՆՆԵՐԻ ՀԵՏ ԿԱՊԻՎԱԾ ԲՈՂՈՔՆԵՐ ՔՆՆՈՂ ԱՆՁԻՆ**  
(հասցե՝ ՀՀ, ք.Երևան, Մելիք Աղայան 1)

**ԲՈՂՈՔ ՆԵՐԿԱՅԱՑՆԱԾՆՈՂ ԱՆՁ՝**

**«ԱՆՏԱՐԵՍ» ՍԱՀՄԱՆԱՓՄԱԿ**  
**ՊԱՏԱՄԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ**  
(գրանցման համարը՝ 286.110.01918, գրանցված՝ 09.02.1996թ.,  
ՀՎՀՀ՝ 02519531, հասցե՝ ՀՀ, ք.Երևան, Մ. Մաշտոցի պողոտա 50ա/1)

**ՆԵՐԿԱՅԱՑՈՒՑԻՉ՝**

**ԱՐԱՄԱԶՂ ԳԵՈՐԳԻԻ ԿԻՎԻՐՅԱՆ**  
անձնագիր՝ 55 0100853, տրված՝ 09.06.2018թ., ՌԴ ԱԳՆ-ի կողմից  
փաստաբանական գործունեության արտոնագիր թիվ 800  
հասցե՝ ՀՀ, ք. Երևան, Նալբանդյան 5, գրասենյակ 37  
Էլեկտրոնային փոստի հասցե՝ aramazd.kiviryan@yahoo.com  
հեռ. /091/ 25-35-25, /010/ 54-35-95

**ՊԱՏՎԻՐԱՏՈՒ՝**

**ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ**  
(հասցե՝ ՀՀ, ք.Երևան, Բազրևանդի 5)

**ԲՈՂՈՔԱՐԿՎՈՂ ԳՆՄԱՆ ԸՆԹԱՑԱԿԱՐԳԻ ԾԱԾԿԱԳԻՐԸ ԵՎ  
ԱՌԱՐԿԱՆ**


**ՀՀ ՊՆ ՆՏԱՂ-ԳՀԾՁԲ-20-12/1**  
**«ՀԱՅ ԶԻՆՎՈՐ» ԱՄՍԱԳՐԻ ՀՐԱՏԱՐԱԿՄԱՆ**  
**Ծառայությունների մատուցում**

**Բ Ո Ղ Ո Ք**

ՀՀ պաշտպանության նախարարության կողմից իր կարիքների համար այլ պոլիգրաֆիական աշխատանքի տպագրման  
ծառայություն, «ՀՀ ՊՆ ՆՏԱՂ-ԳՀԾՁԲ-20-12/1» ծածկագրով գնման ընթացակարգի արդյունքում պայմանագիր կնքելու որոշման  
(գնահատող հանձնաժողովի կողմից 01.11.2019թ. հաստատված թիվ 1.2. որոշման) վերաբերյալ

**ՓԱՍՏԵՐԸ**

1. Գնանշման հարցման հանձնաժողովի 2019 թվականի հոկտեմբերի 8-ի թիվ 1 որոշմամբ հաստատվել է հայտարարություն գնանշման հարցման մասին (Գնանշման հարցման ծածկագիրը՝ «ՀՀ ՊՆ ՆՏԱՂ-ԳՀԾՁԲ-20-12/1»):
2. Հայտարարության համաձայն Պատվիրատուն՝ ՀՀ պաշտպանության նախարարությունը, որը գտնվում է ք. Երևան, Բազրևանդի 5 հասցեում, հայտարարել է գնանշման հարցում, որն իրականացվել է մեկ փուլով՝ էլեկտրոնային գնումների *Armeps* ([www.armeps.am](http://www.armeps.am)) համակարգի միջոցով:
3. Գնանշման հարցման ընտրված մասնակցին սահմանված կարգով առաջարկվել է կնքել «ՀԱՅ ԶԻՆՎՈՐ» ԱՄՍԱԳՐԻ ՀՐԱՏԱՐԱԿՄԱՆ ծառայությունների մատուցման պայմանագիր (այսուհետ՝ Պայմանագիր):
4. Մասնակիցների համար հայտերի բացման օրը հանդիսացել է 17.10.2019 թվականը:
5. «ԱՆՏԱՐԵՍ» ՍՊԸ-ն մասնակցել է մրցույթին կատարելով գնային առաջակ «ՀԱՅ ԶԻՆՎՈՐ» ԱՄՍԱԳՐԻ ՀՐԱՏԱՐԱԿՄԱՆ ծառայությունների մատուցման պայմանագրի կնքման նպատակով:



6. Բացի «ԱՆՏԱՐԵՍ» ՍՊԸ-ից մրցույթին մասնակցել է նաև «Փարլիսիս Հեպտա» ՍՊԸ-ն, սակայն, հաշվի առնելով այն, որ նվազագույն գնառաջարկը կատարվել է «ԱՆՏԱՐԵՍ» ՍՊԸ-ի կողմից, ուստի և հաղթող է ճանաչվել «ԱՆՏԱՐԵՍ» ՍՊԸ-ն:

7. Ընդ որում, 18.10.2019թ. ծանուցմամբ, «ԱՆՏԱՐԵՍ» ՍՊԸ-ն ծանուցվել է առ այն, որ՝ «ՀՀ ՊՆ ՆՏԱԴ-ԳՀԾԶԲ-20-12/1» ծածկագրով Գնանշման հարցման հանձնաժողովի որոշմամբ ներկայացված գնային առաջարկների հիման վրա ընթացակարգի 1-ին չափաբաժնում 1-ին տեղ զբաղեցնող ճանաչվել է «Անտարես» ՍՊԸ-ն: Միաժամանակ, տեղեկացնելով, որ 1-ին տեղ զբաղեցրած մասնակիցը պարտավոր է հրավերով սահմանված կարգով և ժամկետում g.hakobyan@mil.am էլեկտրոնային փոստին ներկայացնել (ուղարկել) հրավերի 2-րդ մասի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը:

8. Մտանալով նշված ծանուցումը «ԱՆՏԱՐԵՍ» ՍՊԸ-ն ներկայացրել է նաև հրավերի 2-րդ մասի՝ ընթացակարգի հայտը պատրաստելու հրահանգի 3-րդ կետով նախատեսված փաստաթղթերը:

9. Ընդ որում, նշված ընթացակարգերի հետ կապված բոլոր հարցերով զբաղվել է «ԱՆՏԱՐԵՍ» ՍՊԸ-ի աշխատակից Տաթևիկ Դավթյանը, ով մշտապես կապի մեջ է եղել Պատվիրատուի հետ հեռախոսակապի միջոցով: Ընդ որում, 21.10.2019թ. մինչև 02.11.2019թ. գտնվելով իր ամենամյա արձակուրդում, վերջինս կապ է հաստատել Պատվիրատուի հետ և տեղեկացրել առ այն, որ իր արձակուրդի ժամանակահատվածում որևէ հարցի ծագման առնչությամբ կապն իր հետ հաստատվի հեռախոսակապի միջոցով, որին ստացել է դրական պատասխան:

10. Վերադառնալով արձակուրդից, պարզվել է, որ Պատվիրատուի կողմից 23.10.2019թ. ուղարկվել է ծանուցում բանակցություններ կազմակերպելու վերաբերյալ, որով բանակցությունների հրավիրվել է «ԱՆՏԱՐԵՍ» ՍՊԸ-ն ինչպես նաև «Փարլիսիս Հեպտա» ՍՊԸ-ն:

11. Հաշվի առնելով այն, որ նշված ծանուցումն ուղարկվել է այն ժամանակ, երբ «ԱՆՏԱՐԵՍ» ՍՊԸ-ի աշխատակիցը գտնվել է ամենամյա արձակուրդում, իսկ Պատվիրատուն պայմանավորվածության համաձայն չի տեղեկացրել հեռախոսակապի միջոցով նշված ծանուցման վերաբերյալ, «ԱՆՏԱՐԵՍ» ՍՊԸ-ն չի մասնացել բանակցային գործընթացին:

12. Արդյունքում, գնահատող հանձնաժողովի կողմից 01.11.2019թ. հաստատված թիվ 1.2. որոշմամբ, ՀՀ պաշտպանության նախարարության կողմից հայտարարվել է «ՀՀ ՊՆ ՆՏԱԴ-ԳՀԾԶԲ-20-12/1» ծածկագրով գնման ընթացակարգի արդյունքում պայմանագիր կնքելու որոշման (այսուհետ՝ Որոշում) մասին, համաձայն որի որոշվել է պայմանագիրը կնքել «Փարլիսիս Հեպտա» ՍՊԸ-ի հետ:

**ԲՈՂՈՔԻ ՀԻՄՔԵՐԸ ԵՎ ՀԻՆԱՎՈՐՈՒՄՆԵՐԸ**

Գտնում ենք, որ Որոշումը կայացվել է օրենքի պահանջների խախտմամբ, Պատվիրատուն իրավունք չունի նախ կազմակերպել բանակցություններ, բացի այդ բանակցություններն անցկացնել առանց «ԱՆՏԱՐԵՍ» ՍՊԸ-ի մասնակցության, ինչպես նաև կայացնել Որոշում Պայմանագիրը կնքել «Փարլիսիս Հեպտա» ՍՊԸ-ի հետ:

Այսպես՝

«Գնումների մասին» ՀՀ օրենքի (այսուհետ՝ Օրենք) 18-րդ հոդվածի համաձայն՝

**Գնում կատարելու ընթացակարգերն են՝**

- 1) էլեկտրոնային աճուրդը.
- 2) մրցույթը.
- 3) գնանշման հարցումը.
- 4) մեկ անձից գնումը:

Օրենքի 22-րդ հոդվածի 1-ին մասի համաձայն՝

Գնումը կարող է կատարվել գնանշման հարցման ձևով, եթե գնման գինը չի գերազանցում գնումների բազային միավորի յոթանասունապատիկը, և գնման առարկան ներառված չէ սույն օրենքի 5-րդ հոդվածի 1-ին մասի 14-րդ կետով, իսկ պետական գաղտնիք պարունակող գնումների դեպքում՝ սույն օրենքի 5-րդ հոդվածի 1-ին մասի 15-րդ կետով նախատեսված ցուցակում:

Օրենքի 26-րդ հոդվածի համաձայն՝

Պատվիրատուի ղեկավարի հրամանով ձևավորվում է գնահատող հանձնաժողով, որը՝

- 1) հաստատում է հայտարարության և հրավերի տեքստերը.
- 2) փոփոխություններ է կատարում հրավերում.
- 3) պարզաբանումներ է ներկայացնում գնման ընթացակարգի վերաբերյալ.
- 4) բացում և գնահատում է հայտերը.
- 5) որոշում է գնման ընթացակարգի հաղթողին (հաղթողներին):

Օրենքի 27-րդ հոդվածի 1-ին մասի համաձայն՝

Բաց մրցույթով գնում կատարելու համար մասնակիցներ ներգրավելու նպատակով տեղեկագրում հրապարակվում են գնումների հայտարարություն և հրավեր:

Օրենքի 30-րդ հոդվածի 1-ին մասի համաձայն՝

Մասնակիցը չի կարող նույն ընթացակարգին ներկայացնել մեկից ավելի հայտ: Մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

- 1) հրավերի պահանջներին իր տվյալների համապատասխանության մասին հայտարարությունը.
- 2) գնային առաջարկը.
- 3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.
- 4) հրավերով նախատեսված այլ փաստաթղթեր (տեղեկություններ):

Օրենքի 33-րդ հոդվածի համաձայն՝

1. Հայտերը բացվում են հրավերում նշված օրը, ժամին և վայրում՝ հայտերի բացման նիստում: Հայտերի բացման օրը և ժամը պետք է համընկնեն դրանք ներկայացնելու վերջնաժամկետին: Փակ մրցույթի դեպքում հայտերը հրավեր ստացած բոլոր մասնակիցների գրավոր համաձայնության դեպքում կարող են բացվել մինչև հրավերում նշված ժամկետը լրանալու օրը:

2. Հայտերի բացման նիստում հրապարակվում են՝

- 1) հայտ ներկայացրած յուրաքանչյուր մասնակցի անվանումը (անունը).
- 2) տեղեկություններ՝ հայտեր պարունակող ծրարների կազմման և ներկայացման՝ հրավերի պահանջներին համապատասխանության վերաբերյալ.
- 3) տեղեկություններ՝ բացված յուրաքանչյուր ծրարում հրավերով պահանջվող փաստաթղթերի առկայության վերաբերյալ.
- 4) տեղեկություններ՝ յուրաքանչյուր մասնակցի ներկայացրած փաստաթղթերի՝ հրավերով սահմանված վավերապայմաններին համապատասխանելու մասին.
- 5) յուրաքանչյուր մասնակցի առաջարկված գինը՝ տառերով և թվերով արտահայտված.
- 6) տեղեկություններ՝ հայտերի հետևանքման կամ փոփոխությունների մասին:

3. Հայտերը բացվելուց հետո կազմվում է արձանագրություն, որը կցվում է գնման ընթացակարգի արձանագրությանը: Արձանագրությունն ստորագրում են գնահատող հանձնաժողովի նիստին ներկա անդամները: Արձանագրությունը պարունակում է՝

1) տեղեկություն՝ հայտերի բացման վայրի, օրվա և ժամի մասին.

2) հայտեր ներկայացրած մասնակիցների անվանումները (անունները) և հասցեները.

3) տվյալներ՝ ծրարների կազմման և ներկայացման՝ հրավերի պահանջներին համապատասխանության մասին.

4) տվյալներ՝ բացված յուրաքանչյուր ծրարում հրավերով պահանջվող փաստաթղթերի առկայության մասին.

5) տվյալներ՝ յուրաքանչյուր մասնակցի ներկայացրած փաստաթղթերի՝ հրավերով սահմանված պայմաններին համապատասխան կազմված լինելու մասին.

6) յուրաքանչյուր մասնակցի առաջարկած գինը.

7) տվյալներ՝ առաջին և հաջորդաբար այլ տեղեր զբաղեցրած մասնակիցների վերաբերյալ.

8) գնման ընթացակարգը չկայացած հայտարարվելու դեպքում՝ դրա հիմնավորումը.

9) տեղեկատվություն՝ հայտերի վերաբերյալ հարցումների և պատասխանների մասին.

10) հանձնաժողովի հաջորդ նիստի վայրը, օրը և ժամը.

11) նիստին ներկա հանձնաժողովի անդամների անունները և ազգանունները:

000

8. Հայտերի բացման նիստի օրվա ավարտին հաջորդող առաջին աշխատանքային օրը հայտերի բացման նիստի արձանագրությունը հրապարակվում է տեղեկագրում: Պետական գաղտնիք պարունակող գնումների կատարման դեպքում սույն մասով նախատեսված արձանագրությունը հայտերի բացման նիստին հաջորդող առաջին աշխատանքային օրն ուղարկվում է հայտեր ներկայացրած բոլոր մասնակիցներին:

Օրենքի 34-րդ հոդվածի համաձայն՝

1. Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հարուրերը, հակառակ դեպքում հայտերը գնահատվում են անբավարար և մերժվում են:

2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին քննարկելու մեթոդով, որի առաջարկած գնին և ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանված դեպքերում և կարգով, առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պարմանագրի առարկայի հետ և դրանց հարաբերական կշիռները ներկայացվեն հրավերի մեջ:

...

5. Առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝

1) առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

2) հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին, և հրավերով սահմանված դեպքերում ու կարգով գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը:

6. Հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

7. Սույն հոդվածի 6-րդ մասի համաձայն՝ գնահատման արդյունքում հայտը անբավարար գնահատվելու դեպքում հանձնաժողովը փաստաթղթերը ներկայացնելու պահանջ է առաջադրում հաջորդ տեղը զբաղեցրած մասնակցին:

8. Հայտերի գնահատման արդյունքներով կազմվում է հայտերի գնահատման նիստի արձանագրություն, որը կցվում է գնման ընթացակարգի արձանագրությանը: Արձանագրությունն ստորագրում են հանձնաժողովի նիստին ներկա անդամները:

9. Հայտերի գնահատման նիստի ավարտին հաջորդող առաջին աշխատանքային օրը նիստի արձանագրությունը հրատարակվում է տեղեկագրում: Պետական գաղտնիք պարունակող գնումների կատարման դեպքում սույն մասով նախատեսված արձանագրությունը հայտերի բացման նիստի ավարտին հաջորդող առաջին աշխատանքային օրն ուղարկվում է հայտեր ներկայացրած բոլոր մասնակիցներին:

Սույն պարագայում, գնանշման հարցման հանձնաժողովի 2019 թվականի հոկտեմբերի 8-ի թիվ 1 որոշմամբ հաստատվել է հայտարարություն գնանշման հարցման մասին (Գնանշման հարցման ծածկագիրը՝ «ՀՀ ՊՆ ՆՏԱԴ-ԳՀԾԶԲ-20-12/1»): Համաձայն հայտարարության Պատվիրատուն՝ ՀՀ պաշտպանության նախարարությունը հայտարարել է գնանշման հարցում, որն իրականացվել է մեկ փուլով՝ էլեկտրոնային գնումների Armeps ([www.armepps.am](http://www.armepps.am)) համակարգի միջոցով: Գնանշման հարցումը վերաբերել է «ՀԱՅ ԶԻՆՎՈՐ» ԱՄՄԱԳՐԻ ՀՐԱՏԱՐԱԿՄԱՆ Ժառանգությունների մատուցմանը: «ԱՆՏԱՐԵՍ» ՍՊԸ-ն մասնակցել է հարցմանը կատարելով գնային առաջակ «ՀԱՅ ԶԻՆՎՈՐ» ԱՄՄԱԳՐԻ ՀՐԱՏԱՐԱԿՄԱՆ Ժառանգությունների մատուցման պայմանագրի կնքման նպատակով: Ընդ որում, հարցմանը մասնակցել է նաև «Փաբլիսիս Հեպտա» ՍՊԸ-ն, սակայն, հաշվի առնելով այն, որ նվազագույն գնառաջարկը կատարվել է «ԱՆՏԱՐԵՍ» ՍՊԸ-ի կողմից, ուստի և «ԱՆՏԱՐԵՍ» ՍՊԸ-ն ճանաչվել է ներկայացված գնային առաջարկների հիման վրա ընթացակարգի 1-ին չափաբաժնում 1-ին տեղ զբաղեցնող, որի վերաբերյալ «ԱՆՏԱՐԵՍ» ՍՊԸ-ն ծանուցվել է 18.10.2019թ. ծանուցմամբ:

Նշված ծանուցումը ստանալուց հետո, «ԱՆՏԱՐԵՍ» ՍՊԸ-ն Օրենքի 34-րդ հոդվածով սահմանված կարգով Պատվիրատուին է ներկայացրել հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը, որին արդեն պետք է հաջորդեր հայտի գնահատումը և մասնակցի ընտրությունը:

Սակայն, Պատվիրատուն, Օրենքից չբխող և Օրենքով չնախատեսված հիմքերով կազմակերպել է բանակցություններ և 28.10.2019թ. հրավիրել բանակցություններ, հղում կատարելով Օրենքի 38-րդ հոդվածի 1-ին կետի 1-ին ենթակետի և ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» Կարգի 40-րդ կետի 5-րդ ենթակետի պահանջներին:

Տվյալ դեպքում, Օրենքի 38-րդ հոդվածի 1-ին կետի 1-ին ենթակետի համաձայն՝

1. Գնահատող հանձնաժողովի, պատվիրատուի և մասնակիցների միջև բանակցություններն արգելվում են, բացառությամբ՝

1) երբ մրցութին մասնակցել է մեկ մասնակից, որի ներկայացրած հայտը համապատասխանում է հրավերի պահանջներին կամ հայտերի գնահատման արդյունքում հրավերի պահանջներին համապատասխան է գնահատվել միայն մեկ մասնակցի հայտ կամ առաջարկված նվազագույն գների համասարության դեպքում, կամ եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են այդ գնումը կատարելու համար նախատեսված ֆինանսական միջոցները: Սույն կետի համաձայն վարվող բանակցությունները կարող են հանգեցնել միայն

առաջարկված գնի նվազեցմանը կամ վճարման սրայմանների փոփոխությանը, իսկ բանակցությունները վարվում են միաժամանակյա՝ բոլոր մասնակիցների հետ:

Ընդ որում, նույն ձևակերպումը սահմանված է նաև ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» Կարգի 40-րդ կետի 5-րդ ենթակետով:

Նշված իրավական նորմի բովանդակությունից հետևում է, որ բանակցությունները կարող են կազմակերպվել և վարվել բացառապես հետևյալ պայմաններում՝

Ա) երբ մրցույթին մասնակցել է մեկ մասնակից, որի ներկայացրած հայտը համապատասխանում է հրավերի պահանջներին,

Բ) հայտերի գնահատման արդյունքում հրավերի պահանջներին համապատասխան է գնահատվել միայն մեկ մասնակցի հայտ,

Գ) առաջարկված նվազագույն գների հավասարության դեպքում,

Դ) եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են այդ գնումը կատարելու համար նախատեսված ֆինանսական միջոցները:

Սույն պարագայում, առկա չի եղել վերափարկյալ դեպքերից որևէ մեկը, ինչպիսի պայմաններում Պատվիրատուն իրավասու չէր կազմակերպելու բանակցություններ:

Բացի այդ, Կարգի համաձայն՝ ընտրված և հաջորդաբար տեղեր զբաղեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցների հետ վարվում են միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները):

Սվյալ դեպքում, եթե նույնիսկ ընդունենք, որ Պատվիրատուն օժտված էր բանակցություններ կազմակերպելու իրավասությամբ, այսպե վերջնա պարտավոր էր նաև բանակցությունների վարմանը ապահովել նաև «ԱՆՏԱՐԵՍ» ՍՊԸ-ին, ինչը չի կատարվել (նշված փաստի վերաբերյալ տվյալները ներկայացվել են սույն բողոքի Փաստեր բաժնում):

Ավելին, «ԱՆՏԱՐԵՍ» ՍՊԸ-ի մասնակցությունը բանակցություններին ապահովելու պայմաններում հնարավոր է, որ «ԱՆՏԱՐԵՍ» ՍՊԸ-ն առաջարկեր ավելի նվազ գին քան «Փարլիսիս Հեպտա» ՍՊԸ-ն, որը կատարել է նվազեցում «ԱՆՏԱՐԵՍ» ՍՊԸ-ի կողմից առաջարկված գնից ընդամենը 145.000 ՀՀ դրամի չափով:

Այսպիսով, ելնելով վերոգրյալից գտնում ենք, որ ՀՀ պաշտպանության նախարարության և գնահատող հանձնաժողովի կողմից խախտվել են «ԱՆՏԱՐԵՍ» ՍՊԸ-ի իրավունքները, ուստի այդ խախտումները ենթակա են վերացման:

Օրենքի 46-րդ հոդվածի 1-ին մասի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների բողոքարկման խորհրդի գործողությունները (անգործությունը) և որոշումները:

Ելնելով վերոգրյալից՝

խնդրում ենք՝

1. անվավեր ճանաչել ՀՀ պաշտպանության նախարարության կողմից իր կարիքների համար այլ պոլիգրաֆիական աշխատանքի տպագրման ծառայություն, «ՀՀ ՊՆ ՆՏԱԴ-ԳՀԾԶԲ-20-12/1» ծածկագրով գնման ընթացակարգի արդյունքում պայմանագիր կնքելու որոշումը, որով որոշվել է պայմանագիր կնքել «Փարլիսիս Հեպտա» ՍՊԸ-ի հետ:

2. պարտավորեցնել ՀՀ պաշտպանության նախարարությանը (այդ թվում գնահատող հանձնաժողովին) կայացնելու «ՀՀ ՊՆ ՆՏԱԴ-ԳՀԾԶԲ-20-12/1» ծածկագրով գնման ընթացակարգի արդյունքում պայմանագիր կնքելու որոշում «ԱՆՏԱՐԵՍ» ՍՊԸ-ի հետ:

3. խնդրամասի 2-րդ կետում նշված պահանջները չբավարարելու դեպքում, պարտավորեցնել ՀՀ պաշտպանության նախարարության կազմակերպել նոր բանակցություններ, ապահովելով «ԱՆՏԱՐԵՍ» ՍՊԸ-ի մասնակցությունը:



Կից ներկայացվում են.

1. Պետական տուրքի վճարման անդորրագիրը:
2. «ԱՆՏԱՐԵՍ» ՍՊԸ-ի պետական գրանցման վկայականի պատճենը:
3. Լիազորագիրը:
4. Փաստաբանական գործունեության թիվ 800 արտոնագրի պատճենը:
5. Ներկայացուցչի անձնագրի պատճենը:
6. Գնանշման հարցման մասին հայտարարությունը:
7. 18.10.2019թ. ծանուցումը:
8. 10.10.2019թ. ամենամյա արձակուրդի վերաբերյալ հրամանը:
9. 23.10.2019թ. ծանուցումը:
10. Պայմանագիր կնքելու որոշման մասին հայտարարությունը:
11. Առաջին տեղ զբաղեցրած մասնակցի կողմից հրավերով պահանջվող փաստաթղթերի ներկայացման վերաբերյալ «ԱՆՏԱՐԵՍ» ՍՊԸ-ի կողմից ներկայացված դիմումը կից փաստաթղթերի հետ միասին:

Ներկայացուցիչ՝  
Ա. Կիվիլբյան



06 նոյեմբերի 2019թ.